

տանի Գեահեայի նորին, մնացեալ 'ի Մինաս եպիսկոպոսէ այն ինչ հանգուցելոյ, 5500 վարձ Ոստիկանին եկելոյ, Բդեշխն պատուէր ետ առանձին չտալ Դատաւորին աւելի քան 410,000 դահեկանս: Եւ յետ այնորիկ արար ժողով մեծ Բդեշխն 'ի պալատի Գաղաքապետին, կոչեաց զՅովհաննէս վարդապետն եւ զայլս, եւ ետ ընթեռնուլ զհրովարտակն Արքայի 'ի լուր ամենեցուն, ապա եհարց, թէ ունի՞ք զայդչափ պարտս. նախ քան զպատասխանել Յովհաննու, յառաջեաց Դատաւորն և ասէ՝ պարտք սոցա հըռչակեալ է յամենայն տեղիս և մեծամեծք քաղաքիս իսկ վկայեն. իցէ՞ մինչեւ ց6000 քսակ, և յասելն այո՛, դարձեալ ասէ Դատաւորն, զպարտս եթէ ոչ որոշեացուք Իլամա ըստ հրամանի Արքային 'ի բաժինս, ոչ կարեն հատուցանել. բարեոք է ասէ՝ արարէք Իլամ, և բազմականքն դրեացեն դիր բազմակնիք, և այրս այս ելեալ երթիցէ 'ի տեղի իւր, և ցրուեցաւ ժողովն ('ի 26 Դեկտեմբերի): Դարձ արարեալ Դատաւորին 'ի տեղի իւր, ձայն եհան 'ի քաղաքին 50,000 դահեկանի. Հայք ծածկաբար ազդ արարին Բդեշխին, և խոստացան տալ նմա 15,000, և նա քանիցս ազդ արար նմա 'ի ձեռն հաւատարմին իւրոյ չնեղել զՀայս, զի Թաղաւորն գթացեալ 'ի թշուառ վիճակ սոցա, տուեալ է հրովարտակ, պարտ է և մեզ գթութեամբ վարիլ ընդ նոսա, զի հպատակ են Արքայի. և լուեալ նորա զայս՝ դիմեաց առ Բդեշխն, և անկեալ առաջի նորա պաղատի, թէ այր մի տառապեալ և աղքատ եմ ես, տունն իմ հրկիղեալ է, և յետ քառասնամեայ աշխատութեանս հազիւ հասեալ եմ յիշխանութիւնս յայս, խնայեա՛ յիս. և նա դարձեալ յորդորէր զնա ունկն դնել բանից իւրոց, զի մի լուեալ Արքայի պատուհասեաց զինքն: Եւ նորա մեկնեալ անտի արձակեաց զԵպրապետն 'ի վանս Հայոց և պահանջէր զնոյն դումար, առաջի եդեալ զտասանորդս պարտուց, և նոքա արարին պատասխանի, եթէ դիմեցին առ նա պարտատեարք տունել դատաստան, ունի իրաւունս տասանորդի, ապա թէ ոչ, միայն զծախս Իլամի կարէ խնդրել 'ի մէնջ:

Իբրեւ ծանուցին զայս Բդեշխին, զայրացաւ յոյժ, եւ գրեաց դիր հրամանի չնեղել պարտատեարց զՀայս, և կո-